

چاغیـــــریش !
ائل عاشیقی عاشیق حسن اسکندری ۶۰ یاشیندا

گزدیم قاریش - قاریش مئشه، پارانی
دولاشدیم کند به کند داغی، آرانی
سوروشدوم بو یئرین «جوانی» هانی؟
دئدیلمر بو دوران عاشیق «حسن» دیر

اؤلکه میز ایرانین دنیا شوهرتلی عاشیقی، سسی ایله، سازی ایله وطنیمیزین توی- دویونلرینی
بزهین، آذربایجان خالقینین معنوی گوزه للیکلرینی دنیا خالق لارینا چاتدیران، عاشیق «حسین جوان»،
عاشیق «قشم» یولونون لیاقتلی داوامچی سی عاشیق «حسن اسکندری» آرتیق ۶۰ یاشینا چاتمیشدیر.

او، عومرونون ۴۰ ایلندن چوخونو، خالق نغمه کاری کیمی یاشامیش دیر و صنعتی و شخصیتی ایله
دینله ییجی لرده وطن پرورلیک، انسان سئورلیک کیمی نجیب انسانی دویغولاری اویداراق، آزادلیق و عدالت
جارچی سی کیمی ائلدن - ائله، اولکه دن - اولکه به گزه - گزه آد قازانمیشدیر.

معنالی و شرفلی عومرونو، خالقین سعادت و آزادلیغینا حصر ائدن ۶۰ یاشلی استاد عاشیق حسن
اسکندری نی آغیرلاماق اوچون، موسیقی انجومن لری، ادبی، مدنی انجومن لر، آنا دیللی مجله لرین
امکد اشلاری، آذربایجان ضیالی لاری، و موسیقی سئورلری نین ایش بیرلییی ایله گورکملی عاشیغیمیزین
دوغوم گونو اولکه میز ایران مقیاسیندا تهرانین مدنیت سارای لاری نین بیرینده طنطنه لی شکیلده
کئچیریله جک دیر.

حورمتلی قلم صاحب لری، دیرلی موسیقی شوناس عالیم لر و عاشیق صنعتی نین آراشدیریجی لاری نا
بؤیوک ممنونیتله اوز توتاراق، اونلاردان خواهیش ائدیریک کی، سئویملی عاشیغین صنعتی و شخصیتی ایله
باغلی مقاله لر، آراشدیرمالار، خاطیره یازی لاری و... وارسا «۱۳۸۶/۰۴/۲۰» تاریخینه جن مراسیمین
دبیرخاناسینا گؤندرسینلر.

بو یازی لار عئلمی هئیت طرفیندن سئچیلیب و مراسیمده ایرائه اولوناجاق. باشقا یازی لاریسه
مراسیمین آرایشیی ایله بیرگه خاطیره کیتابی شکلینده چاپ اولوناجاق. اؤز کؤمه یینیزی بیزدن اسیرگه مه یین.
ساغ اولون.

ائلی نین یوردونون درد-ی غمینه
اورکدن یانانین قاداسین آلیم.

عاشیق حسن اسکندری نین آغیرلاما مراسیمین
آپاریجی هئیتی

دبیرخانه:

تهران: سعادت آباد میدان کاج- خیابان سرو غربی- چهارراه شهرداری ساختمان اداری تجاری سرو طبقه ی ۷ واحد ۲
دفتر مجله آذری تلفن: ۰۲۱-۲۲۰۹۴۹۰۰

تهریز: خیابان آزادی- انتهای غربی پل ابوریحان- پاساژ آذربایجان طبقه ی دوم - واحد ۲
دفتر انجمن صنفی موسیقی آذربایجان تلفن: ۰۴۱۱-۴۷۸۳۲۹۴ و ۰۴۱۱-۴۷۸۳۲۹۷

ایمیل آدرسی: ashiqhasan60@yahoo.com